

BUDSJETT 2021

FOR

SAMNANGER KYRKJESTYRE

Orientering til kommunen



INNHALD:

BUDSJETTRAMME

Ramme 2020 – meirkostnader 2021

VEDLIKEHALD OG INVESTERINGAR

Trong for vedlikehald og investeringar

Bruk av lånemidlar

Fast vedlikehaldspott

ANDRE PREMISSAR FOR BUDSJETTET

Lønsutgifter

TENESTEYTING

Rekneskap, lønn, brøyting

Drift av gravplassen

GRAVPLASSEN

Tiltak på gravplassen – trong for utviding

Vedlegg 1: Omtale av vedlikehaldstiltak / investeringar

Vedlegg 2: Generelle premisser for budsjettarbeid i Samnanger kyrkjestyre - Lovforankring, todelt drifts-budsjett, budsjettgrunnlag, stillingar m.m.

BUDSJETTRAMME 2020

Løyving til kyrkja frå kommunen i 2020 var 2 832 150 kr. I tillegg fekk me eit tilskot øyremerkt vedlikehald på 100 000 kr. og 70 000 kr. i tenesteytingsverdi.

Kyrkjestyret vil gjera merksam på at etter mange år med svært knappe rammer til vedlikehald, har me framleis eit etterslep av vedlikehaldsbehov. I budsjettet for 2021 er det lagt inn måling utvendig av resten av kyrkja på Ådland, og då er det er det ikkje rom for stort meir utan å auka ramma. Me har to kyrkjer og tre mindre hus me skal vedlikehalda, og treng ha ståande midlar til vedlikehaldsbehov som kjem til undervegs.

Me har ei auke i lønsutgifter på 57 000 kr. i 2021. (Sjå under) Me har og ei auke på 30 000 kr årleg som betaling for nett. IKT-Norhordland ynskte ikkje å ha ansvar for det trådlause nettet kyrkja fekk frå skulen, og me måtte difor installera fiber i Kyrkja på Haga,

Kyrkjestyret sitt framlegg til budsjett, gjev ei auke av ramme for 2021 på 154 000 kr i høve til 2020

Kyrkjestyret vil også for 2021 be om å få bruka lånemidlar til investerings- tiltak. Til saman 450 000 kr. (Sjå under)

VEDLIKEHALD OG INVESTERINGAR

I 2020 har me nytta lånemidlar til universelt utforma toalett, ny el-tavle på Ådland, straumstyringsanlegg i begge kyrkjene og nytt lydanlegg på Ådland. (Dette er investeringprosjekt og noko av midlane var løyvde i 2019)

For ordinære vedlikehaldsmidlar får me i 2020: måla kyrkjetårnet og nordveggane på kyrkja på Ådland, utbetra roteskade på eit vindauga bak kyrkja på Haga, leggja taket på bårhuset på nytt, med ny papp og lekter, montera rister på omnane på Ådland, byta sprogge vindauga bak kyrkja på Haga, kontrollera og utbera vifteanlegget. Me håpar også på å få laga ein mur for å sikra rasfarleg skrent bak kyrkja på Haga, og få gjort ein del mindre reparasjonar/snekkararbeid.

Grunna ei løyving på 100 000 kr knytt til vedlikehald, og eit restfond etter tidlegare mindreforbruk, har me meir vedlikehalds-midlar til rådvelde i 2020 enn det me har hatt tidlegare.

For 2021 er det lagt inn 210 000 kr til vedlikehald, mestedelen til utvendig måling av kyrkja på Ådland. Men kyrkja har framleis store vedlikehalds- og investerings-behov, og noko av det har stått på «ynskjelistene» våre i årevis. Det er både HMS-tiltak, ENØK tiltak og tiltak for innbrotssikring.

Trong for vedlikehald og investeringar det ikkje er budsjettert med

Vedlikehald:

På Ådland:

Skifte av lås-system
Oppussing av våpenhuset (På vent -treng godkjenning)

På Haga:

Skifte av lås-system

Investeringar:

På Ådland:

Ringjeanlegg for kyrkjeklokkene HMS-tiltak
Enøk-tiltak – varmpumper (Vent -treng godkjenning)
Overrislingsanlegg (På vent -treng planlegging og godkjenning)

På Haga:

Utsifting av lysarmaturar til LED - ENØK og HMS
Utviding av kjøkken (På vent -under planlegging)

(Sjå vedlegg 1 for nærare omtale av tiltaka.)

Bruk av lånemidlar?

For å få gjort etterslepet av større vedlikehaldsprosjekt i 2021, vil kyrkjestyret be om å få nytta seg av kommunale lånemidlar for å byta lysarmaturen i kyrkjerommet på Haga til LED og montera ringjeanlegg på Ådland. Desse utgiftene vert til saman på 450 000 kr. (Sjå vedl. 1)

Fast vedlikeholdspott

I 2020 vart det løyvd 100 tusen kr øyremerka vedlikehald, og me hadde knapt 100 tusen i vedlikeholdsmidlar på budsjettet frå før. Om me får halda same nivået framover, har me rundt 200 000 til rådvelde til vedlikehald kvart år. Det er å håpa at me med ein slik årleg sum, vil kunna setja av pengar på fond til store vedlikehalds-prosjekt, dei åra me har mindre behov. Førebels har me ikkje kome ajour med etterslepet, og det er ting som ikkje kan venta som må gjerast. Me vil uansett måtta søkja kommunen om midlar til store investeringsprosjekt.

ANDRE PREMISSAR FOR BUDSJETTET

Lønsutgifter

Kyrkjestyret har vedteke ein opptrappingsplan for kyrkjevevrestillinga, for at løna skal verta meir på nivå med einingsleiarane i kommunen. Det skal kvart år fram til og med 2021 plussast på 25 000 kr. Me har også fått ny tilsett, som er løna i høgare lønnsstige enn den som hadde stillinga før.

Auke i lønsutgifter for kyrkjestyret for 2021, vert til saman 57 000 kr. i høve til 2020-budsjettet. Sidan tariff-forhandlingane til KA ikkje er klare for 2020 enno, er det eit usikkert tal, men det er sett av midlar til lønsauke i denne potten.

TENESTEYTING

Rekneskap, lønn, brøyting

Kommunen tek seg av rekneskapsføring og lønnskøyting for kyrkja. Dei brøyter ved kyrkjene og i 2012 vart kyrkja også tilknytt kommunen si IKT – teneste. Desse tenestene skal synleggjerast i budsjettet som «kalkulerte utgifter ved kommunale tenester». No er også utgiftene til bruk av lønssystemet ført opp som tenesteyting, så det er plussa på med 7500 kr for det og summen vert då til saman 77 500 kr. Det som gjeld snøbrøyting, er no ført på felleskapitlet for kyrkjer med 10 000 kr. og resten er ført på administrasjon.

Det er kommunen sitt ansvar å dokumentera kva det kostar dei å levera tenestene til kyrkja. (J.f. GKRS- «notat om transaksjoner mellom kommune og kirkesektoren» pkt. 3.3) **Kyrkjestyret vil be om at kommunen leverer ei oversikt over kva midlar som går til kva føremål, når det gjeld tenesteytinga på 77 500 kr. Det må også skrivast ei avtale om kva denne tenesteytinga gjeld.**

Drift av gravplassen

Då kommunen overtok den praktiske drifta på gravplassen i 2012, var det med i avtala at kostnadene skulle synleggjerast i budsjettet som tenesteyting. Dette har ikkje vorte gjort. Kyrkjestyret vil gjera framlegg om at utgiftene kommunen har til gravplassen, vert førd på gravplasskapitlet: 33900 .130. 043 – «Kalkulerte utgifter ved kommunale tenester» og tilsvarende inntekt på 37900.130. 043. Dette inkluderer løn og avg. for tilsette, leige av maskiner, bortkøyting av stein/massar, bossavgift, utstyr, klede og vedlikehald av maskiner. Dette vil ikkje påverka ramma, då summen vert førd både som inntekt og utgift i budsjettet. Det vil heller ikkje påverka tilskotet til andre trussamfunn, då gravplassen er unnateken i utrekninga av desse. **I følgje GKRS- «notat om transaksjoner mellom kommune og kirkesektoren» pkt. 3.3, er det kommunen si plikt å greia ut desse kostnadane, og kyrkjestyret vil igjen be om at det vert gjort.**

GRAVPLASSEN

Tiltak på gravplassen

Drift av gravplassen ligg no under teknisk eining i kommunen, men kyrkjestyret har framleis overordna ansvar og tilsyn. Difor vil me peika på ting som treng gjerast der også, sjølv om det ikkje lenger har plass i vårt budsjett.

På den gamle gravplassen er det **felt som fungerer dårleg**. Nokre stader er det mykje vatn, ein kjem truleg ned i grunnvatnet. Andre stader er jordsmonnet for tett, og nedbrytinga dårleg. Det er ikkje lov å grava ned til grunnvatn-nivå. Det er og strenge reglar for korleis ein skal handsama dårleg nedbrotne graver, og desse er vanskelege å handheva hjå oss. Desse tilhøva gjer kyrkjegardsdrifta vanskeleg, og belastninga på dei tilsette kyrkjegardsarbeidarane vert stor.

Kyrkjestyret har bestemt at eit område skal stengjast for graving grunna vatn. (Urner kan setjast ned). Om her vert grøfta og tilhøva betrar seg, kan det vera råd å setja det i drift att. I tillegg er fredingstida heva til 30 år på eit av felta. (Her ynskjer me å nytta masseutskifting for å betra tilhøva.) Me ynskjer også å låsa ein del graver for gjenbruk, då det er for tett mellom gravene mange stader.

På den nye gravplassen held **skråningane på å siga ut**. No har eit gjerde ramla ned og vassposten er på veg utfor. Desse nettingklede skråningane bør erstattast av murar iflg. leiar for teknisk drift. **DET HASTAR!** Det er eit spørsmål om dette kan vera ei klagesak til utbyggjaren. Det må kommunen som stod for utbygginga, vurdere.

Med vårt folketal, skal me til ei kvar tid ha minst 75 disponible graver. Å leggja restriksjonar på den gamle gravplassen, vil difor føra til *auka trong for nye graver*. Kyrkjestyret har bede kommunen om å setja i gang **arbeid med planlegging av utviding av den nye gravplassen** og setja av midlar til dette. Dei rår til at utbygginga vert sett i samanheng med reparasjon av utsigne skråningar på gravplassen. Når det likevel må lagast nye murar, kan dei plasserast slik at det kan lagast nye gravrekkjer mellom dei gamle skråningane og dei nye murane. Dette krev godkjenning frå bipedømekontoret/ gravplasskonsulenten.

Det er altså trong for fleire kostnadskrevjande tiltak på gravplassen:

- Grøfta på den gamle gravplassen og i tillegg få lagt alt takvatnet/ nedløpsvatnet frå kyrkja i grøft.
- Reparera utsigne skråningar på den nye gravplassen/ laga nye murar utanfor.
- Utvida den nye gravplassen med fleire graver inkl. urnelund og gravplass tilrettelagd for muslimar.

Kyrkjestyret ber om at tiltak på gravplassen vert prioritert i 2021. Dette hastar å få gjort noko med.

Me ynskjer at gravplassen skal vera ryddig og velstelt – ein verdig stad der det skal vera godt å koma for dei som har misst nokon av sine. Me har også plikt på oss til å kunna tilby doble graver til dei som ynskjer det, til å driva lovleg når det gjeld avstandar mellom gravene og til å gjera tilhøva betre for dei som arbeider på gravplassen.

Vedlegg:

Vedlegg 1: Prioritert liste over vedlikehaldstiltak / investeringar.

Vedlegg 2: Generelle premisser for budsjettarbeid i Samnanger kyrkjestyre. Lovforankring, todelt drifts-budsjett, budsjettgrunnlag, stillingar m.m.

Omtale av vedlikeholdstiltak/ investeringar

Vedlikeholdstiltak – lagt inn i driftsbudsjettet for 2021		
A 1	<p>Måling av kyrkja på Ådland Heile kyrkja vart sist måla i 2009. Alle dørane vart måla i sommaren 2018 og me fekk måla tårnet og nordveggane i 2020. Det er naudsynt å måla resten av kyrkja i 2021.</p>	150 000
A2	<p>Ristar på omnane – Ådland Ved enøk-gjennomgang av kyrkjene, vart dei gamle røyrovnane kontrollerte. Det vart ikkje rådd til å byta dei ut. Alle fungerte som dei skulle, og dei er varmeeffektive. Men overflatetemperaturen er for høg. Difor må me montera rister rundt dei. Det var bestilt rister til nokre av ovnene i 2020. Me ynskjer å vurderer om det er forstyrrende lydar i desse, når omnane utvider seg, før me kjøper til heile kyrkja.</p> <p style="text-align: right;"><i>Pristilbod frå «Safeheat».</i></p>	20 000
A3	<p>Byte av lampar i ungdomslokalet og på prestekontoret I ungdomslokalet fungerer lampene dårleg saman med led-pærer og er til dels øydelagde. På prestekontoret er det for dårleg lys.</p>	20 000
Investeringar – spørsmål om lån i 2021		
B 1	<p style="text-align: right;">HMS-tiltak</p> <p>Utskifting av lysarmatur i kyrkja på Haga. Meir enn 25 lampar er øydelagde og det er område i kyrkja det er for mørkt ved arrangement, t.d. pensjonisttreff og leksehjelp for «kompisane». Det er også for lite lys for reinhaldaren. Det er spesialbygde lyskassar der det må monterast ny «innmat». For at lysstyringa skal fungera, må alt bytast ut. Det nye går ikkje saman med det gamle. Me ynskjer å byta ut dei gamle lampene med led-striper. Dette vil vera straumsparende og forenkla arbeidet med montering. Ledstripene har svært lang levetid, dei lyser jamnt heile denne tida, og når ombygginga først er gjort, vil det vera enkelt å byta ut striper når dei evt. sluttar å lysa. Det viser seg også at dei ni spotane i toppen av taket må bytast for å fungera saman med det nye styringssystemet.. (Me brukar alt led i dei gamle spotane her, men kan ikkje justera styrken på dei slik det er no.) Dette gjer tilbodet endå meir omfattande og dyrare enn det me hadde venta.</p> <p style="text-align: right;"><i>Prisoverslag November 2020.</i></p>	290 000
B 2	<p style="text-align: right;">HMS-tiltak</p> <p>Ringjeanlegg på Ådland. Trappene opp til tårnet er ikkje godkjende for arbeidstakarar å bruka. (For bratte) Det er dessutan berre folk med opplæring i å ringja med tau, som kan vera vikar for kyrkjetenaren. Ved helgedagsringing, jul, nyttår, påske og pinse må dei som ringjer få løn med helgedags-tillegg. Ved eit automatisk ringjeanlegg kan ein ringja, kima, slå bedeslag og opna luker berre ved å trykkja på ein knapp. Det er også fjernstyring for bruk på gravplassen under gravferder. Det vil verta både sikrere og enklare å arbeida som kyrkjetenar med eit slikt anlegg.</p> <p style="text-align: right;"><i>Prisoverslag etter synfaring 2014 Olsen Nauen Klokkestøperi. Oppjustert</i></p>	160 000

	Vedlikeholdstiltak «på vent»	
C1	<p>Oppussing av våpenhuset - Ådland Målinga på veggene ser sliten og skiten ut, men det let seg ikkje vaska av. Knaggane er sunde, mange av dei og me nyttar dei ikkje for klede, men hadde hatt god bruk for skap-plass. Hattehyllene ser uferdige ut. Uhovla i kantane og umåla. Det burde vore ein spegel for brurepar og andre. Me ynskjer spesiallaga underskap med litt benkeplass og eit overskap med plakattavle og spegel. Så vil me måla veggjar og dører. Det vil verta søkt bispedømet / riksantikvaren i 2020.</p>	50 000?
C2	<p>Skifte av lås-system i kyrkjene. Kyrkja på Haga har svært mange nøklar i bruk, og det er stor sjanse for at nøklar kjem på avvegar. Det er også heile tida trong for å låna ut nøklar til ulike arrangement. Me ynskjer å skifta ut nøklane med elektroniske nøklar, som kan aktiverast og stengjast for bruk. Får me elektroniske nøklar på tre ytterdørar, blender av låsane på dei fem andre, og beheld dei gamle nøklane inne, kan me koma ut av det med 40 tusen pluss montering. Komplettering Ådland: ca. 20 tusen (Same nøkkelsentral)</p> <p style="text-align: right;"><i>Pristilbod</i></p>	50 000 + 20 000
	Investeringar - «på vent»	
D 1	<p>Enøktiltak - Varmepumpe - Ådland kyrkje Det har i fleire omgangar vore søkt om å få setja opp varmpumper i kyrkja på Ådland. Me har til slutt fått godkjend løysing inne, men ute må me plassera pumpa ved kyrkjegardsmuren. Me må då planleggja eit lite hus til å ha pumpa i og få dette godkjend. Det må gravast grøft over vegen til å leggja kablar inn til kyrkja. «Miljø og Ressurs Drift» rår til å nytta fire varmpumper inne og to ute. Då må det søkjast på nytt. Dei anslår 3-400 tusen i kostnad. Godkjenningssinstansen v. bispedøme-kontoret rår til å heller satsa på vevindauga på innsida av vindauga for å hindra varmetap her. Iflg. MRD vil dette ikkje gje dei store innsparingane samanlikna med varmpumper. Kyrkja har rundt 80-90 000 kr i årlege straumutgifter, så det er pengar å spara på enøk-tiltak. Monterer me varmpumpe, vil me i tillegg få betre styring med temperaturen i kyrkja. Me vil i 2020 få montert straumstyringsanlegg i kyrkja på Ådland. Då vil ein kunna halda låg temperatur normalt, og berre skrua opp varmen når det skal vera arrangement. Varmepumper vil vera nok store delar av året, men dei gamle omnane vil også vera ein del av oppvarminga på kalde dagar.</p>	350 000
D 2	<p>Brannsikring/overrislingsanlegg til kyrkja på Ådland Kommunestyret løyvde i 2011 pengar til å få greidd ut sprinkling av kyrkja på Ådland. Dei brannsikrings-firmaene me var i kontakt med, rådde alle til å nytta vanleg sprinkling i eit bygg med så høgt under taket. Sprinkler Vest a/s gjorde då eit forprosjekt på installering av sprinklaranlegg i kyrkja. Det er eit "tørranlegg" som vert tilrådd her. Dvs. at det ikkje står vatn i røyra når ikkje alarman er utløyst. Slik unngår ein problem med frost og lekkasje. Det er ein sentral med ein kompressor som held oppe eit visst trykk på vatnet. Han koplar berre inn av og til, når trykket vert for lavt og kan slåast av under arrangement. Skulle det verta branntillaup i kyrkja, vil det berre verta løyst ut vatn på den staden detektoren seier det brenn.</p>	Ca 1 500 000

Anlegget krev eit godt vasstrykk. (725 liter/minutt). Dei røyrane Samnanger kommune overtok frå det private vassverket på Ådland, var ikkje store nok til å gje tilstrekkeleg vasstrykk. Det var difor ikkje råd å gjennomføra sprinkling før desse var ordna. *Dette er gjort våren 2017.* Det må truleg også leggjast ny vassleidning rundt kyrkja. Pris pr. 2011 ca. 2000 kr meteren i kostnad for å leggja ny vassleidning.

Før bygget vert sprinkla må det lagast teikningar i ”dwg-format” for prosjektering og dokumentering. Riksantikvaren må godkjenna prosjektet.

Dei har rekna kostnaden til 1 065 000 eks mva. Men i tillegg må ein rekna:

- Kostnad til vasstilførsle
- Litt ombygging på sakristiet og snikkararbeid for å få tilkomst til ulike loft
- Leige av lift / evt. stillas for arbeid under himlingen
- Elektrikkararbeid for tilførsle av straum til kompressor, oppkopling av signal / alarmer og frostsikring av vassanlegget frå grunnen til sentralen
- Montering av utvendig slokkeanlegg (Tilrådd av riksantikvaren. 40% av kyrkjebrannane er påsette)

KA har spesialkompetanse på dette feltet.

Dei seier at det også går an å nytta ”vanntåkeanlegg” på kyrkjer, men at dei ulike firmaene då må dokumentera at det verkar på akkurat denne typen bygg, då det er så lite utprøvd enno. Det er montert og godkjend i fleire kyrkjer, men det er få leverandørar til slike anlegg.

Eit ”lavtrykk vanntåkeanlegg” har om lag same pris som eit sprinklaranlegg, men ein treng lavare trykk på vatnet. Trykket som skal til for å spruta vatnet ut, vert laga av ei trykkforsterkarpumpe. Anlegget er betre for å hindra overtenning, men dårlegare til å kjøla ned på golvnivå. Små dropar vert svevande rundt i rommet, og kjøler ned lufta mykje betre enn eit sprinklaranlegg, men mindre vatn rekk bakkenivå, for å sløkkja evt. brannar der. Det vert mindre vasskade ved utløysing og vert mindre synlege inngrep i bygget då røyrane er mindre.

”Høgtrykk vanntåkeanlegg” gjev den beste sløkkinga i høve til vassmengde. Dei krev heller ikkje høgt vasstrykk for å virka. Trykket vert laga i ein sentral, anten med motor eller v. gass /trykkluft. Dei har i tillegg til å hindra overtenning effektivt også betre evne til å nå bakken, då vatnet vert spruta ut med høgt trykk både i små og i store dropar. Men desse anlegga er dyrare både å installera og driva, og krev høg kompetanse av driftsansvarleg.

Kostnaden på eit lavtrykk tåkeanlegg og eit sprinkleranlegg vera om lag lik i flg. KA.

Staten gjev lån m. rentekompensasjon til føremålet. KNIF forsikring gjev tilskot.

Me vil i tillegg få 80% avslag på forsikringspremien for kyrkja.

SAMNANGER KYRKJESTYRE

GENERELLE PREMISAR FOR BUDSJETTARBEID

LOVFORANKRING

Samnanger kyrkjestyre (soknerådet + ein kommunal representant) har vore fellesråd i Samnanger etter kyrkelova §14. I januar 2021 tek den nye lova for trus- og livssynssamfunn til å gjelda. Då vert det opna for omorganiseringar som kyrkja sjølv skal vedta. Desse er ikkje klare, og difor gjeld framleis den gamle ordninga med «fellesråd». Men også i den nye lova vert det presisert at soknet er eit eige rettssubjekt og «har rettigheter og forpliktelser, er part i avtaler med private og offentlige myndigheter og har partsstilling overfor domstoler og andre myndigheter.» (§11.) Slik er Samnanger sokn ei eiga forvaltnings-eining på same måten som Samnanger kommune, og ikkje ei kommunal eining slik som t.d. skulane.

Kommunen har etter den nye lova om trus-og livssynssamfunn, framleis økonomisk ansvar for drift av kyrkja. Dette er spesifisert i § 14:

« Kommunen gir tilskudd til kirkens virksomhet lokalt, herunder tilskudd til bygging, vedlikehold og drift av kirkebygg. Tilskuddet skal sikre at kirkebyggene holdes i forsvarlig stand, slik at de kan benyttes til gudstjenester og kirkelige handlinger. Tilskuddet skal også sikre at soknet har tilfredsstillende bemanning ved gudstjenester og kirkelige handlinger, herunder kirketjener, klokker og organist/kantor ved hver kirke, og tilstrekkelig administrativ hjelp. Kommunens tilskudd gis etter budsjettforslag fra soknet. I budsjettforlaget skal også tilskudd til kirkelig undervisning, diakoni og kirkemusikk inngå. Etter avtale med soknet kan kommunen yte tjenester i stedet for å gi tilskudd etter andre ledd. Kommunen kan ta opp lån for å finansiere investeringer i kirkebygg og tilhørende varige driftsmidler.»

I fylgje gjeldande forskrifter er det kyrkjestyret si oppgåve å fordela midlar på kyrkjebudsjettet. Kommunestyret skal bestemma kor stor ramma til kyrkja skal vera.

TODELT DRIFTSBUDSJETT FOR KYRKJA

Kommunen løyver midlar til driftsbudsjett for **Samnanger kyrkjestyre**, (soknerådet som "fellesråd"). Budsjettet er delt opp i administrasjon, kyrkjer, kyrkjegard og anna kyrkjeleg verksemd. Kommunen sitt økonomiske ansvar er lovregulert. (Sjå over)

Budsjett for **Samnanger sokneråd**, vert fremja og handsama som eiga sak i soknerådet. Sokneråds-delen er avgrensa til forvaltning av offer, andre innsamla midlar og andre inntekter og utgifter knytt til kyrkjelydsarbeidet. Trusopplæringsarbeidet vert og ført i soknerådsdelen av budsjettet. Dette er finansiert av statstilskot gjennom prostiet og av innsamla midlar. Soknerådsdelen av budsjettet skal ikkje fremjast for kommunen, men er sjølv sagt offentleg. Rekneskapa for soknerådet er også ein del av årsmeldinga frå soknet.

BAKGRUNN / BUDSJETTGRUNNLAG

Kyrkja tek seg av **lovpålagde oppgåver** som gravferder, vigsler og gudstenester. Gravplassen vert driven for alle innbyggjarane i Samnanger, men kyrkja er disponert av DNK. Soknet er også pålagde frå kyrkja sentralt å driva trusopplæringsarbeid, for alle aldersgrupper frå 0-18 år. Sjølv om dette arbeidet for det meste er dekkja av soknerådsbudsjettet, utløyser det større behov for reinhald, meir administrasjon og høgare kontorutgifter som går over kyrkjestyre-budsjettet.

Når det gjeld gudstenester, er det ein gudstenesteplan som må godkjennast av bispedømekontoret. Me er også pålagde andre oppgåver av kyrkja sentralt, så me kan ikkje utan vidare redusera **aktivitetsnivået** lokalt, for å spara midlar.

For kyrkja er det viktig å arbeida vidare med å få på plass ei god **forvaltning** av lovpålagde oppgåver. Dette gjeld både kyrkje og kyrkjegardsforvaltning, andre administrative oppgåver, gudstenester, andre kyrkjelege handlingar og ansvaret for det kristne arbeidet i kyrkjelyden. Med for knappe stillingsrammer over mange år, slit kontoret enno med å ta igjen etterslep av oppgåver.

«Det er kommunen sitt ansvar å løyve midlar til nødvendig kyrkjeleg administrasjon. Utgangspunktet ved etablering av Den norske kyrkja som eigen forvaltningseining, var at administrative ressursar skulle vera på høgde med anna offentleg forvaltning.» seier KA.

Med denne bakgrunnen, vedtok kyrkjestyret i 2016 ein opptrappingsplan for stillingsstorleik og løn for kyrkjevevja. I 2019 vart stillinga 100%. På sikt meiner kyrkjestyret at løna skal koma meir på nivå med løna til einingsleiarane i kommunen.

Stillingar i Samnanger sokn okt. 2020:

Løna av kyrkjestyrebudsjettet:	Kyrkjevevje 100%
	Kantor / organist 50%
	Kyrkjetenar 60%
	Sekretær 50%
	Klokkar 11% (Gjort av frivillige. Løna går til ungdomsarbeid)
Løna av soknerådsbudsjettet:	Ungdomsarbeidar 20%
	Trusopplærer 50%
	Hjelp til trusopplæring – kompiss, matlaging m.m. 20%
Løna av statlege midlar:	Sokneprest 100% stilling – Adm. av prostiet. (Gjer også teneste i Kvam)

Kyrkja har i tillegg over 60 frivillige medarbeidarar som gjer små og store tenester i gudstenester, diakoniarbeid og trusopplæring.

RENTEKOMPENSASJON OG ANNA STØTTE

Det finst midlar i Husbanken øyremerkt vedlikehald av kyrkjer, der ein får **rentekompensasjon**. (Ikkje kvart år.) Verneverdige kyrkjer har høg prioritet, men me har også fått slike midlar til kyrkja på Haga tidlegare. Det er kommunen som får midlane og må søkja. Støtta svarar til rentene for eit lån med nedbetaling på 20 år og avdragsfritak i 5 år.

Det går også an å få inntil 50 000 i støtte hos KNIF til brannverntiltak, slik me fekk i 2020. «Opplysningsvesenets fond», OVF, gjev også støtte/lån til restaurering og nybygg.